

## Sawmnak Darkhing:

Pathian dawtnak le lamhruainak thawngin America ramah kannih nupa cu kluasak ttinak caan ttha kan ngei kho ve cang. Cucaah, Pathian sinah lunglawmhnak le thluachuah halnak tuah kan i tim. A hmun cu kan biakinn Chin Baptist Mission Church ah a si lai. A ni le a caan cu - Saturday, October 16, 2010 (2pm-8pm) a si lai. Rev. Dr. C Duh Kam nih thlacamnak a kan ngeih piak lai. 2 p.m ah pumhnak thawk a si lai. Cun, Social Hall ah rawl dumttinak le ihawikomhnak nih a zuhl te lai.



CBMC chungtel vialte nih nan kan telpi nak lai toidornak he kan in sawm hna. Sawmnak ca zong kan ttial kho lo. Cucaah, mah kan sawmnak hi sawmnak puitling ah nan ka cohlan piak nak lai kan in nawl hna.

Lunglawmhnak tampi he,  
Mr. & Mrs. Zo Tum Hmung



## Community Service Award A Hmu

Columbus khua pastor ttuan lio mi, **Dr. Hai Vung Lian** cu zahan tihni ah khan community ca i a riantuan tthat theihpinak le lomhpink ca ah, Columbus i community service a lianbik mi nih, "Outstanding Community service Award" laksawng an peki, dinner zong an tuah piak ti thawng kan theih.

A sunglawi tuk hringhran. Laihawi dih lak nih kan lomhpi.

Caan rem a neih tik ah amah zong nih laksawng an pek nak kong faing deuh in avan kan chimh te lai.

Dr. Hai Vung Lian hi Chin American Community Development zongah Board of Director ah a kan telpi mi a si. Church World Service [www.church-worldservice.org](http://www.church-worldservice.org) le Community Refugee and Immigration Services [www.cris-ohio.com](http://www.cris-ohio.com) komh in an pek mi laksawng sungluai a si.

**Minmei/Metkhuabo**

# Minmei Cazual

October 10, 2010 Sunday Literature and Cultural Committee Chin Baptist Mission Church

THAWNGPANG | THEIHTLEI | CAPO | NUNPHUNG | KHRIHFABU | LAIMI



## Laimi Nih US Ralkap Kan Tlak Ve Awk Asi

**Van Thawng Cung**

Kan theih cio bantuk in US ram cu mipem nih dirhmi ram asi. Native Indians pawl dah ti lo cu mipem lawngte kan si. A pem tuan deuh le a pem tlai deuh lawnglawng kan si. Hi ruangah hin mipem donsonnak phungghram (immigration law) zong fektthup in a dir i biapi ngai in an chiah nak asi. US ram cu mipem hmasa hna nih nunnak tampi dih le harnak tampi tuar in an rak sersiam caah tuchun ni ah cun vawleicung mi vialte nih phaak duhmi le um duhmi ram ah aa chuah cang. Asi ah, kannih Laimi hna hi mipem thinlung in maw kan um peng rih lai? Um peng hlah, kan ram asi ti lungput kan ngeih ve a cu cang. Mi zoh in kan zoh peng awk asi ti lo, mah zoh in kan zoh ve awk asi cang. Cu lawnglawng ah cun hi ram caah kan ttuan kho ve lai i, kanmah pumpak ca zongah hlawhtlinnak kan hmu lai. Cu nih cun kan community le kan thawhkehnik ram khi a hun thlircawi te lai. Cu bantuk in hlawhtling mi kan si khawh nak ding caah cun Laimi caah lamphawk pakhat lawng a um. Cucu ralkap tlak hi asi.

### LITERATURE & CULTURER COMMITTEE

Chairman  
**Van Thawng Cung**

Secretary  
**Van Luai Zathang**

Editha  
**Salai Lairamthang**

Treasurer  
**Rosie**

Chungtel  
**Thuang Hei**

Layout Design  
**Van Thawng Ling**

Coordinator  
**Salai Bawi Uk Thang**

Laimi nih kan ka in kan chim tawn nain kan tuah khawh tawn lomi cu lungrualnak a si. Lungruual cu a tha, lungruual cu thawnnak a si, Lungruual cu teinak a si ti kan hngalh nain kan tuah kho lo. Ziah thil tha tuah cu tuah kan duh lo maw? tiah bia halnak a um kho. Thil tha, thil dik, thil hman hna hi fawi tein tuah khawhmi an rak si rua lo. Thil dik cu i hnek deuh, lungsau deuh, zanghlel cawi deuh, a hlei hluat deuh in cawlcangh a herhmi a si caah a si.

Laimi cheu khat cu thil tha tuahnak ah kan lung a rual kho lo I, thil tha lo tuahnak tu ah kan lung a rual ngai tawn. Khrihfabu, community, nubu, mino, hruainak ah thil tha tuahnak ah caan sau kan lung a rual kho lo, mah nih cun bu kip hruainak ah donkhanu a chuahpi tawn. Lungruual lo cang ahcun thazang a um kholo, thazang a um lo ahcun kan cawl khawh a si lo. Mah nih cun tumchuknak lei ah a kan kalpi.

Mi tam deuh duhning zuluh, zapi duhnak ah i hrawm, keimah timi lungput kan hlonh khawh lawng ah lungrualnak kan chuahpi khawh lai. Lungruual cu bu caah, miphun caah, ram caah thawnnak le teinak a si. Laimi nih kan herhmi lakah lungrualnak a tel ve.



## U.S. AIR FORCE

US ralkap tlak cu Kawl ralkap tlak bantuk asi lo. Lahkhah tthattha le benefit tthattha an pek hna. Sianginn kai khawhnak lam tampi an onh piak fawn hna. Cu lawng asi rih lo, an nun chung caan vialte upat hmaizahnak an hmu. An hung chuah i rian civil rian sawk tik zongah duhsak an si. Cucaah, mino tampi nih cun anmah pumpak hunchonak le hmailei an career sersiamnak caah ralkap cu an lut. Ralkap rian an ttuan pah in siangiin an kai pah. Asiloah, an chuah le cangka ralkap benefit hmang in an kai. US ralkap a tthatnak pakhat cu duh le ttuan thai, duh lo le ttuan thai lo khawh asi. I tiamkam cangmi caan tuk(kum 2 maw, kum 4 maw, kum 6 maw) belte cu cu pelh khawh asi lo. Tuchun ni ah US ah Chin mi thong 15 in thong 20 kar kan um cang. Nain, US ralkap a tla mi cu kutdong rel lawng an si rih. Cu lak hmanh ah cun Hakha-Thantlang lei mi cu a tlawmbik kan si. Keimah theih tawk ah cun pahnih lawng an um. Thantlang peng, Tlangpi khua mi pakhat le tleicia kan pa Major Biak To fapa lawng an si. Mizo unau, Falam unau le Tidim unau chung in cun an um pah len. Nain, a milu cun a tamtuk

### Mission Riantuannak

“ Ramchung in ramleng tiang kan krifa bu riantuannak ah Bawi kri thilti khawhnak hmual a lang chin lengmang. Kawlawm Mission field lei in Dr.Herbert Tum Ceu nih thawngtha an kan thanh than. Kum (50) asi mi nu cu thlacamhnak thawngin khua- vang in aluat ca ah a fale tian- gin Bawi kri zumtu an si cang.


Kum (42) asi mi zong zumhnak thawngin a holh khawh than ca ah tipilnak pek asi i, tehte khan- nak zong a nei. An hmanthlak hi rak zoh cio hna u.”



### Dawtnak Par Live Convert DVD

Ram kip um dawtni u le nau hna nan rak i ngaih ngaingai ciomi Agape Clinic mizaw har bawmh- nak Foundation ca i tuahmi Dawtnak Par Live Convert DVD cu October 10 ni thawk in nan sin a phan cang lai. Nan rak kan bawmh cio naklai kan in nawl hna.

[Sanghre, HBC]



### Tlangcung cawnpiaknak:

- 1) Thawh hlawm zong thawh huaha tung loin Khrihfabu ceihkhanmi ah biasi phai a thawng tukmi cu ngaihchiami nan va si dah.... Zei ruang tiah... vancung khua tiang zongah biasi phai a tthin kho lo ding nan si.
- 2) Zohsang tukmi tlangval/nungak cu vanchiami nan va si dah... zeicahtiah ngakno/valno pawl I, “ka pu/kapi” tin an tong ngenge.
- 3) Mi ngeihchiatni I, mileen a hmang lomi cu ngeihchia nan va si dah... inpa chlakhleng zohchuknak cu nanmah ta a si.

## Minmei sin in lunglawmhnak le Nawlnak:

Teimak chuah in Minmei Cazual a rak kan rel piak tawntu nan zapi cungah lunglawmhnak chim cawk lo kan ngei. Laiholh le Laica dirkamh timi cu Laica tampi ttial le tampi rel hi asi ko. Phundang in chim ahcun cattialtu le careltu cu aa khat mi kan si. Cucaah, a ttial he a rel he a pahnih in aa bi-apit ning aa khat. Cucaah, a ra lai mi caan zongah ttangtti zungzal dingin kan in sawm hna.

## Pu Robert Biak Cin Tuanbia Tawi

Pu Robert Biak Cin kong hi tlawm tein van chim ka duh. An-nih hi Tlangpi khua ah Khrihfa hmasa bik, Pu Tei Tam fapa a si. Sifak fa te in ca ai zuam, ca a thiam, mifel le miding asi. Tanghra a si tiang ah hin thil thlennak a ngei lo. Kawr pakhat le tawhrolh tawi pakhat te lawng a ngei. Thil suk a duh caan ah ramtang ah an va kal i, a suk hnu ah a ro hlan lo bur chung in taklawng in an hngah tawn. A hngah chungah a cacawn mi a zoh tawn. Ca a thiamnak le mifel asi kha mirang sazapa nih a hmuh tikah a sin ah a um ter. College a kai lio ah mirangca a thiam cem asi zungzal. Master tiang a awn hnu ah London zong ah further study dingah thim asi. English Department ah hin Kawlram chungah a thiam cem asi ko nain Laimi asi caah a reng an kai ter duh lo. Tang 14 pawl ca a chimh hna ah hin Master kai lio tiang zong

Cun, manh lo cio le, rian le khai he cio asi ko nain asi khawh chungin capar ttial zong vun kan zuam piak cio rih ulaw tiah nawl kan in duh fawn hna. Pathian bia, khua le ram kong, theihtlei, lenhloi, biazai, fimchimhnak, khuatual thawngpang, Lailei thawngpang ti bantuan ttial vun kan zuam piak u. Zarh fatin Friday day poh hi capar dead-line nituk asi. Saturday poh khi Format design le Layout tuahnak caah caan zuah piak asi.

nih a ca chimh theih duh ah an rak ngai ve tawn. UNICEF lei ah bawi rian a hmuh tikah, an sian lo caah a reng kai ding in an lem than, nain a duh ti lo. College cawn ding English Text Book hi amah an tial ter tawn. Nain, a cauk phaw ah cun a min an telh piak bal lo.

UNICEF a tuan hnu cun mirang he an si caah a reng hi a kai lelek cang. UNICEF in ram pakhat i a lu bik, representative tiang a kai. Kum tling tein rian a ttuan hnu ah pensen in California ah an chungkhar in an um. Ca a thiam lawng si loin, tennis tuk hi a thiam tuk fawn. Kawlram pumpi ah champion a rak si. Kum 60 a si hnu zongah kum 60 cunglei pawl lakah a thiam bik a si fawn. Dinnak le felnak he Bawipa ai bochan mi a si. A tuanbia a chim tawn ah hin a fa le hna cu an mitthli a tla tawn. Joseph bantuan in midang nehsawh a ton zongah dai tein ai in. A hnu ah Bawipa nih a cawisan lengmang tthan.

Sailo pa



Army, Marine, Navy, Air Force le Coast Guard tiin phun nga ah an tthen. Mah duhnak zawn poh ah mah le qualify ning in tlak khawh asi. Full time ngain-gai in luh a duh rih lomi nih Army Reserve maw, Marine Reserve maw, Navy Reserve maw, Air Force reserve maw, Coast Guard Reserve maw ah um khawh asi fawn. Reserve Service ah a ummi cu Active duty asi lio mi he an benefit aa khat pah dih ko. Kan vun chimmi Reserve Service phun nga si khawh nak ding ca i a herh mi requirement hi tlawmpal tete cu an i dang cio. Nain, a tlangpi cun aa khat pah dih ko. Kan fian deuh khawh nak ding caah Army Reserve hi tahc-hunhnak ah hun laak ka duh. Army Reserve si khawhnak ding ca i a herhmi hna cu - (1) Kum 18 - 39 kar asi lai (2) High

School diploma, asiloah, mah he aa tlukmi cawnnak a ngeimi asi lai (3) ASVAB physical test a awng lai, ti vial hi asi. Cun, Army Reserve ah cun zarhkua chung combat training kai asi i, cu hnu ah inn ah an ttin tthan. Siangiin zong an kai ko, rian zong an ttuan tthiam ko.

Nain, weekend poh ah ralkap camp ah va kal i exercise tuah asi. Kumkhat ah zarh hnih caan an pek kan ti lai cu. Mah ti cun an um i, cozah nih ralkap a herh tik poh lawng ah a auh hna i an va ttuan. An duty a dih in an tlung tthan i sianginn kai mi nih an siangiin an peh, rianttuan mi nih an rian an ttuan tthan. Mah hi mino caah cun a ttha ngai in ka ruah. Constitution zongah an telh chih mi Selective Service tu hi cu rinh awk tlak asi lo. Aho poh pa asi i kum 18 in kum 26 karlak asi mi nih cun luat khawh lomi asi. Nain, min i pek lawng asi caah benefit zong zehmanh a um ve lo. ❖





## Bawipa Hi A Tha Tuk

Ngun Ngun hlawnching

Bawipa cu a tha, a fek mi a dawtnak cu zungzal in a hmun.. zumh awk thlak a sinak cu chan vialte tiang in a hmun..Bawipa cu a tha tuk mi Pathian a si. Nan herh mi kha hal ulaw nan hal tik ah lunglawm tein hal zungzal u. Hal ulaw pek nan si lai a ti tu Pathian a si. Kan hal mi cu a kan pek dih ko lai. Nan hal tik ah lung awtawm lo tein hal ulaw mah ka hal mi hi ka hmuh cang ti tluk in khin zumhngamnak in hal u. Mah ka hal mi cu a ka pe hnga ma ti in kan hal ahcun kan hal mi Pathian zong ai awtawm ve i a kan pe hnga lo tiah ka ruah. Bawipa cu a thatuk mi le a fimtuk mi Pathian a si kha zeitik hmanh ah philh hna hlah usih. Kan herh mi a theih dih tu Pathian a si.

Fimnak cawng mi seihno leeng le vaal hna, na fim na

thiamnak ah Bawipa tel lo cun pakpalawng lawngte an si ko lai. Cucaah, sianginn kan kai tik ah zuamnak in kai hna usih law, Bawipa ram ca le miphun caah tiin zuamnak thinlung nei hna usih. Bawipa cu ka fale nih zeitik dah an ka hal lai i ka leh hna lai tiah a kan hngak peng tu asi. Ca ka thiam khawh nak hnga tiin hal ko hna usih law..kan hal bantu in i zuam ve hna usih. Keimah nih ka ton cang mi cu ca hi ka thiam lo tuk caah hin maw Bawipa ca ka thiam khawh nak hnga ti in thla ka cam i ka cam bantu in kaa zuam ve i a tu cu a hlan bantu ka si ti lo. Lungtak tein hal hna usih.. kan i tinh mi hi zuamnak lianpi he i tinh hna usih law, kaa tinh mi ka phak in Bawipa ram caah zeitin dah ka hman lai tiin ruat hna i usih.

Kei ka hngakchiat lio tein ka duh tuk mi thil pakhat a um poh ahcun a hme in a lian tiang Pathain ka chimh, ka hal i tlamtlinnak a ka pek zungzal. Lungtak tein ka hal mi cu a ka ngeih piak i a tlamtling zungzal caah Bawipa ka thangthat. Nan nih ka ule, ka naule, ka nu le ka pale hna nannih cio zong lungtak tein hal cio ko u. A hlan ah ka philh khawh lo mi ka pi nih thla a rak cam tawn mi cu “Maw Bawipa a fimtuk mi Pathian, ka thlacamnak hi ka ngaih piak ko...” tiah a rak cam i, Bawipa cu a fimtuk mi le a thatuk mi

## Zawl-aidi Mitsur Zu:



Atu lio Aizawl ah mitam ngai nih caih mi pakhat cu Zawl-aidi tiah min an sakmi Grape Wine kong hi asi. Mizoram cu nan theih cio bang, zu le ritnak lei kam cu a kham mi an si. Nain, Champhai le Hnahlan hrawng in a chuakmi mitsur thei hi Wine ah ser in zuar ding ah mizoram cozah nih a hna tlakpi hna caah wine chuannak seh le a chuannak ah a herh ding mi thilri vialte zong tlamtling tein a luan cia kum 1 lio khan an rak i zalh dih cang. A tu cu a zuar

tu ding, lisen an pekmi hna a zat le an zuarnak ding hmun tiang in thawng an thanh cang. Hi Zawl-aidi wine cu Mizoram chungah a zuar tu ding minung 14 sinah lisen an pek hna i, Champhai, Lunglei, Hnahhlan, Saiha khua hna ah minung 1 cio an pek hna; a dang 10 hna cu Aizawl khua chungah nan zuar lai an ti hna; Aizawl khua chung a zuartu ding 10 lakah 4 nih cun millenium centre chung hrim ah nan zuar lai ti a si. Zawl-aidi wine ah hin alcohol ( ritnak) 14% tiang aa tel tiah theih a si. Hi caan lio ah alcohol 5% lawng aa telmi Beer cu an khap liopi asi fawn. Grape Wine zuar an sianh nak hna a ruang hi, Mizoram in a chuakmi thei a si caah a cingtu hna caah santlai seh ti an duh bia a si tiin nawlungeitu lei nih cun an chim.. Ruah lengmang tik ah Mizoram mipi le a cozah nih hin ritnak hi maw an khap duh, zu le beer hrim hi dah khap an duh hnga, ti mi hi mi lungthin chungah a caam ngai ko. October thla lai hrawng cun zuar thok a si cang lai tiah news paper ah an ttial.

[TZL, Aizawl]

## CHRO Hruaitu Nih Laksawng A Hmuh

CHRO Iaimi hruaitu Victor Biak Lian kha Norwegian Mission to the East (NMTE) nih pekmi St. Shepen Prize a kan

hmu piak.

“ human right riantuannak, i rualremnak le biaknak lei luatnak caah tahchunhawka tha lo in a cawlcangnak ruangah “ an pek mi a si.

Minmei

## Thailand Nih Kawl Mi Thlunter A Timh Hna:

Thai Foreign Minister Pu Kasit Piromya nih, “Kawlram thimnak a dih in cun Thailand ram chungah a ummi refugees le ramkhel rian a ttuanmi pawl vialte Kawlram ah tlunter dingin timhlahmnak kan ngei; an kir nak ding kongah Thai cozah nih a herhning in a bawmh hna lai” tiah a chim. Cun, November 7 ah an tuah dingmi thimnak hi vawlei khuaza mipi duh ning standard cu a phan lai lo nain Kawlram nih zaukphung lei a panh nak ding caah a hramthawknak cu asi hrim lai tiah a beet chih. Sihmanhse-

hlaw, Thailand ah zungmun a khuar mi NLD chungtel Pu Thein Oo nih cun, “Thai vuanci pa chimmi hi vawlei khuaza hmuhning he tuak tikah sullam ngei lo asi; a ra lai mi November 7 thimnak thamtham cu anmah ralbawi pawl ca lawng pei asi ko cu, kum saupi chung ram mipi cungah sualza an phur cang i, a ra lai mi caan zongah an purh cuahmah rih ko lai...” tiah a ti. Thailand hi ralkap cozah he chawhrolnak lei ah faak piin aa pehtlai lio mi an si. A bik in, oil le gas kongah khat le khat hmiakmai hmu tti dingin rianttuanttinak faak piin an ngei. **[Irrawady]**

## Pastor An Velh:

Arakan (Rakhaine) state, Chaungtaaw khua ah Ho-Chin Baptist Church pastor, Tun Hlaing cu September 19, 2010 ni ah an khua cozah lei nawl ngeitu U Maung Kyaw le a hawile pathum nih an velh. Zarhpi ni an i pumh liopi ah Biakinn leeng ah an auh i a hmai le a ttaang ah an lamh, an chuih; cun, a lu, a keeng le a hnak ah maupum in an tuk. A mit in a hmutu an church chungtel pakhat nih, “A veltu hna kut in kan pastor pa cu chanh awk ah leeng ah kan chuak; thi he hnai he asi i nu le hngakchia nih cun an ttihtuk, an ttap an

ai; kan pastor pa cu faak ngaiin aa hliam caah kan pumhnak zong peh kho ti loin kan ngol; hi bantuk in biaknak ruangah serhsat, hrem le hnahnawhnak pek cu a poituk hringhran ko” tiah a ti. Pastor Tun Hlaing cu thlanglei Laitlang mi asi i Baptist missionary in Arakan ram ah Pathian rian a ttuanmi asi. An krihfabu Ho-Chin Church hi 2008 kum ah an dirh mi asi. chungkhar 30 hrawng an si. An velh mi Chin Pastor pa nih cun Religious District Court, Sittway ah a case a file i biacaih-bawi nih an bia caih piak dingin a hngah lio asi, tiah kan theih.

**[Chinland Guardian]**

Pathian a si caah a thlacamnak a theih piak i a tlam a tling zungzal..cu ban tuk in thla cam ve hna usih.

Bawipa thatnak ka tial mi nan ka rel piak ve caah kai lawm tuk.. ka palhnak zong tampi a um ko lai. Voikhatnak catial a si le ka palhnak a um ahcun ra ka ruat thiam u... ❖

## Palai Pahnih Milwaukee Ah

CBMC Krihfabu in CBC,USA (CBFA) ah palai ttuanvo a kan laak piak liomi kan Pastor Rev. Dr. C. Duh Kam le Pu Mang Cung Nung cu Chin Baptist Church, Milwaukee ah Board of Trustee (BT) meeting kai dingin tuzarh cacawn ninga ni ah an chuak. An meeting cu October 9 le 10 khi asi lai. CBC, USA Board of Trustee ahhin krihfabu pakhat in minung pahnih cio palai ngeih asi. Board of Trustee meeting cu kumkhat ah voi 2 lengmang tuah dingin CBC, USA nih phung a ngeih mi asi. A tu tiangah CBC, USA chungtel cu Krihfabu 26 an si. Tutan an meeting ah a hleice in Budget kong le Mission thlahnak kong an caih lai, tiah thawng kan theih. **[CBMC]**



## Phone Chonh:

“ring...ring “

e..kha... ka pi.. phone ra cuh.

An pi nu cu hnawhnam nawn in a hung tho I, phone cu a let-taling in a hun I tlaih i...

“Hallo...Hallo...” A hun ti.

An fahniang nu te nih, “Ka pi... phone cu a let-taling in pei na tlaih cu... zeitin dah an theih khawh lai...” a hun ti.

Cule cangka in... tarnu (An pi nu) nihcun a hung I thawh I, “elaw... cu tin maw si..kha... si le.... “Lo..Ha...Lo..Ha..” ❖

## Ngaihchiat tuarpinak:

Krih ah kan unau, Pu Van Ro Lian a pa nih hi vawlei nunnak in a kan liam taak ti thawng kan theih caah kan ngaih a chia hringhran. Ngaihchiatnak khuadawm nih a zelh lio mi chungkhar, hawikom, sahlawh

vialte cungah lungdaih hnan-gamnak tlung hram ko seh. Kan pa cu hi vawleicung ah pumsa in um ti hlah hmanhsehlaw, a miphun, a chungkhar le a hawikom hna sinah a cawn-piaknak le aa dawhmi a tuanbia cu a taang zungzal lai. **[Minmei]**

**Frederick Ummi Caah Bawmhna A Um:**

Frederick County Workforce Services nih Frederick county chung i a ummi hna nih hmailei an pawcawm kawlnak ah an ichercawi khawh deuh nak hnga, Career Training kainak caah bawmh khawhnak lam an ngei. Hi bawmhna hi Federal Government sin in a ra mi a si

i, a hmanh mi nih cham tthan a hau ti lo dingmi a si. Qualify khawhning cu a tanglei bantu hin a si.

Hi bawmhna laak a duh mi le bawmh a herhmi nih CACD Director **Dr. Van Thawng Ling** sinah appointment laak in, CACD zung - 1 West 2nd Street, Frederick, MD 21701 ah kal khawh a si.

**Family Household (Chungkhar milu zat)**

**Gross Family Income (Chungkhar ah phaisa lut zat)**

Family of One (Chungkhar milu pakhat caah)	\$ 23,207
Family of Two (Chungkhar milu pahnih caah)	\$ 36,891
Family of Three (Chungkhar milu pathum caah)	\$ 50,638
Family of Four (Chungkhar milu pali asi caah)	\$ 62,503
Family of Five (Chungkhar milu panga caah)	\$ 73,768
Family of Six (Chungkhar milu paruk caah)	\$ 86,274
Family of more than Six (Chungkhar milu paruk nak tam asi ahcun)	
Chungkhar milu paruk nak tam caah minung pakhat ah lengmanh in a kai.	\$12,506

**CACD**

**Hruaitu le Hruaimi:**

Hruaitu vialte lak ah ze i hruaitu dah na huat bik?”

**Kawi Chup:** “Caw/ Naa hruaitu hme teh”

“Si le... Hruaimi vialte lak ah tah?”

**Kawi Chup:** “ Um... Palik hruaimi si dah.. a si lai..”

**Nobel Remdaihna Laksawng An Pek:**



Taluk ram ah zalonna le nuhrin covo a um khawh nak hnga Takuk communist cozah dohdalnak faak piin a tuahtu **Liu Xiaobo** (54) cu tuzarh ca-cawn ninga ni, October ni 8 ah Norway hrambunh Nobel Peace Prize Committee nih 2010 kum caah Nobel Remdaihna laksawng an pek. Pu Liu Xiaobo cu 1989 i Taluk cozah dohdalnak nganbik langhternak asi mi Tianamen Square buai lio ah sianghleiruun sianghngakchia hruaitu asi. Literature Professor a rak ttuan bal mi zong asi. Taluk communist cozah duhsah duhsah in an i thlen khawh nak hnga caah zaang-ennak tel lo

(nonviolence) in aa zuam peng mi asi. Taluk cozah nih an tlahi i kum 11 thong an pek. A tu hi thonginn chungah a um lio asi. Mr. Liu Xiaobo Nobel Peace Prize an pek ruangah Taluk cozah cu a thin a hung ngaingai. Nobel Peace Prize Committee faak piin a thangchiat hna. Hi misual pa thong chungah kan khumh lio mi cungah hi bantu in cawimawinak laksawng nan pek mi nih hin Nobel Laksawng sunlawinak limhang a zorter ngaingai lai tiah a ti. Hi ruangah hin Norway cozah le Taluk cozah kan i pehtlahina zong faak piin a khawnden lai ti zongah a ti fawn. Nobel Laksawng announce an tuah lio caan ah-hin mipi nih zoh kho hna hlah seh tiah an cozah nih ram-leeng kong chimmi TV channel pohpoh block a tuah dih. Internet website pawl zong rel khawh lo dingin block an tuah. A laksawng hi Norway phaisa in Kroner 10 million asi i, US dollar cun 1.5 million asi. A ra lai mi December 10 ah Oslo, Norway ah laak ding asi. A nupi Liu Xia zong thawngcabu pawl he i tong kho lo dingin cozah nih an kham. Leeng chuahnak nawl an pe lo. **[CNN]**

**Lunglawmhpina:**

CBMC ah Church Secretary a kan tuan piak lio mi Pu Siang Dun i a thaisung cu Bawipa lamhruainak thawngin kan sinah dam tein a hung phaak khawh cang caah a Krihfabu hawi lunglawmhna in kan khat. Pathian nih te le fa thluachuah pe hna sehlaw, tarkun tiangin a fekmi dawtnak a karlak ah sih hram ko seh. **[Minmei]**

